

03.10.1990

Prěni swobodnje woleny wjesnanosta po politiskej změnje	Der erste frei gewählte Bürgermeister nach der Wende
Dnja 22.awgusta1990, šěsć tydženjow po pjenježnej uniji ze zawjedženjom hriwny we wuchodnej Němskej, rozsudži přěni raz swobodnje wolena Ludowa komora na wurjadnym posedženju z 294 přećiwo 62 hłosam (a 7 hłosa-wzdaćemi) přistup k ZRN, po tym zo bě přěnje wothłosowanje k tomu dnja 08. awgusta dla nic docpětych trěbnych dvě třěćinje hłosow zwrěšćilo ... „Ludowa komora zwurazni přistup NDR we wobłuku zakładneho zakonja Zwjazkoweje republiki Němskeje po artiklu 23 Zakładneho zakonja ze skutownosću wot 3. oktobra 1990 sem.“ Z tym přewjedže so juristisce znowazjednoćenje Němskeje 329 dnjow po potorhanju murje dnja 09.11.1989. Tutón rozsud měješe wliw na žiwjenje kóždeho wobydlerja Němskeje – a wězo tež na naš Radwor! Tola tak jednotne euforiske měnenje pola ludźi zdžěla njebě, štož pokazuje scěhowacy wurězk z tehdyšeho nowinarskeho artikla: <i>Město znowazjednoćenja abo přistupa rěča mnozy we wuchodze - a tež na zapadze - Němskeje wo přewzaću abo přizamknjenju: Zapad je NDR spóžrět, zarjadowany do kapitalistiskeho systema ZRN. Strach před pozhubjenjom identity, před tym, so za wotežku wzaty čuć a hospodarsce nic sobu dźeržeć móc, je wulki. Tež na zapadze knježa strachi: Kónc dźělenja móht woznamjenjeć, dźělić dyrbeć - a w přichodze so wšelkeho wzdać dyrbeć. Budže kraj něhdyšeho „hospodarskeho džiwa“ telko solidarity tež financelneje přetrjeć?</i> Kóždy njech za sebje hódnoći, do kotreje měry tehdy artikulowane wobmyslenja woprawnjenje mějachu a kelko z nich je džensa woprawdže rozrisane! We wjetšich městach wotměwachu so tež ludowym swjedženjam podobne zarjadowanja – na kraju pak powšitkownje skerje njeběchu. W Radworju samym bě 03. Oktober 1990 cyle normalna srjeda, bjez kulturnych abo druhich wjerškow...	xxx

From:

<http://82.165.187.122/> - Radibor - Chronik

Permanent link:

http://82.165.187.122/doku.php?id=19901003_wiedervereinigung&rev=1671208443

Last update: 2022/12/16 16:34

